

Sarajevo, 13-02-2025

Broj: 73-11-3-5699



Na osnovu člana 70. Zakona o javnim nabavkama („Službeni glasnik BiH“, broj 39/14, 59/22 i 50/24), člana 48. Statuta KCUS-a (Sl.novine FBiH br. 73/13), člana 25. Pravilnika o javnim nabavkama Kliničkog centra Univerziteta u Sarajevu (65-04-2-4654-1 od 01.02.2023.godine) na prijedlog Komisije za javnu nabavku Izvještaj broj. 73-33-4-2504-3 od 07.02.2024.godine, V.D. Generalnog direktora donosi:

### ODLUKU

o izboru najpovoljnijeg ponuđača za  
**„Nabavka ultrazvuka za potrebe Klinike za urologiju i Klinike Urgentne medicine“**

#### I

Prihvata se prijedlog Komisije za javnu nabavku, **Izvještaj broj 73-33-2504-3 od 07.02.2024.godine**, za postupak nabavke **„Nabavka ultrazvuka za potrebe Klinike za urologiju i Klinike Urgentne medicine“**, nakon provedenog otvorenog postuka sa Obavještenjem o nabavci broj 893-1-1-567-3-964/24 od 26.12.2024.godine, i donosi odluka kako slijedi:

**Ugovor dodijeli ponuđaču MEDICAL d.o.o. Mostar za LOT 2 – Nabavka ultrazvuka za potrebe Klinike za urologiju**

Tip/model i proizvođač ponuđenog: **LOGIQ TOTUS (REF LOGIQ TOTUS HDU) GE ULTRASOUND KOREA Ltd., JUŽNA KOREA**

Ukupna vrijednost ugovora za LOT 2:

**151.500,00 KM bez PDV-a + PDV 25.755,00 = 177.255,00 KM sa PDV-om**

- Ponuđena cijena je nepromjenjiva, izražena u KM i podrazumjevaja isporuku, montažu i puštanje u rad nove opreme, te edukaciju uposlenika ugovornog organa.
- Plaćanje predmeta nabavke će se izvršiti u roku 60 dana od dana isporuke, montaže, puštanja u rad i izvršene edukacije, te nakon potpisivanja Zapisnika/protokola o primopredaji opreme i ispostavljanja fakture
- Garanti rok za predmetnu nabavku je 12 (dvanaest) mjeseci za isporučenu opremu i teče od dana obostrano potpisanog Zapisnika o primopredaji
- Rok za isporuku, montažu, puštanje u rad opreme i edukacija osoblja za opremu je 60 (šezdeset) dana od dana potpisivanja ugovora i prijema narudžbenice izdate od strane ugovornog organa.

**Postupak poništi za LOT 1-Nabavka ultrazvuka za potrebe Klinike Urgentne medicine u skladu da članom 69. (2) d) jer nijedna od primljenih ponuda nije prihvatljiva.**

#### II

Izabrani ponuđač dužan je u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 4.1. Tenderske dokumentacije, ukoliko istu nisu dostavili uz ponudu, u skladu sa dostavljenom Izjavom ponuđača, a ne starijih od 3 mjeseca računajući od momenta predaje ponude.

#### III

Ova Odluka stupa na snagu danom donošenja i bit će objavljena na web stranici KCUS-a, kao i dostavljena ponuđačima učesnicima u postupku javne nabavke.

## OBRAZLOŽENJE

U skladu sa Odlukom broj. 73-11-3-45428-1 od 20.12.2024., pokrenut je postupak javne nabavke za “ **Nabavka ultrazvuka za potrebe Klinike za urologiju i Klinike Urgentne medicine**“. Procijenjena vrijednost nabavke iznosi 273.200,00 KM bez PDV-a. Postupak nabavke je podjeljen na 2 lot-a sa procijenjenim vrijednostima za LOT 1 – Nabavka ultrazvuka za potrebe Klinike Urgentne medicine (procijenjena vrijednost 121.200,00 KM bez PDV-a), a za LOT 2 – Nabavka ultrazvuka za potrebe Klinike za urologiju (procijenjena vrijednost 152.000,00 KM bez PDV-a). Predviđeno je zaključivanje jednokratnog ugovora.

Nabavka je planirana izmjenom Plana javnih nabavki za 2024. god. (Odluka, br. protokola 65-04-02-34876/24 od 03.10.2024. godine). pod kategorijom „investicije-robe“ redni br. 285.

Uslovi plaćanja predviđeni za postupak nabavke su u roku 60 dana od dana izvršenja ugovorenih obaveza od strane dobavljača i ispostavljanja fakture (na osnovu dopisa Sektora za finansijske, knjigovodstvene i planske poslove br. 56-11-3-6066 od 16.02.2024. godine).

Na osnovu poziva objavljenog na portalu e-nabavke tendersku dokumentaciju za postupak javne nabavke preuzelo je 11 (jedanaest) potencijalnih ponuđača i to: BIOTEGA DOO BANJA LUKA; MEDICAL D.O.O.; BROMA BEL D.O.O. BANJA LUKA; BERG DOO; EKAPIJA DOO ; SHIMADZU D.O.O.; PROMA DOO; SONO MEDICAL DOO; „MEDICOM,, D.O.O.; BBS EUROPE I S CONSALTING D.O.O. MOSTAR, a izmjenjenu TD nakon odgovora na pitanje preuzelo je 5 (pet) potencijalnih ponuđača i to: BERG DOO; „MEDICOM,, D.O.O.; EKAPIJA DOO ; MEDICAL D.O.O. i SONO MEDICAL DOO.

Do krajnjeg roka za dostavljanje ponuda 11,30 sati dana 21.01.2025.godine na Protokol Kliničkog centra Univerziteta u Sarajevu zaprimljene su 3 (tri) ponude ponuđača i to:

PODACI IZ PONUDE	1.	2.	3.
Naziv ponuđača	<b>BERG d.o.o. Sarajevo</b>	<b>SONO MEDICAL d.o.o. Sarajevo</b>	<b>MEDICAL d.o.o. Mostar</b>
Broj i datum ponude (što je evidentirano zapisnikom o zaprimanju ponuda br. 73-33-4-2504 od 21.01.2025. godine)	10-11-3-2302 od 20.01.2025. godine u 12 h i 35 min	10-11-3-2430 od 21.01.2025. godine u 08 h i 08 min	10-11-3-2432 od 21.01.2025. godine u 08 h i 27 min

### Analiza dostavljenih ponuda

U skladu sa zahtjevima definisanim tenderskom dokumentacijom koje treba da ispune ponuđači da bi stekli uslove za dalju kvalifikaciju u javnom nadmetanju, Komisija imenovana Odlukom br. 73-04-4-1807 od 15.01.2025.godine, je detaljnom analizom dostavljene dokumentacije za predmetni postupak nabavke donijela donijela slijedeće zaključke:

- Ponuđač SONO MEDICAL d.o.o. Sarajevo dostavio je ponudu za LOT 1-Nabavka ultrazvuka za potrebe Klinike Urgentne medicine CONSONA N9, MINDRAY (Tip/model i proizvođač ponuđenog) Pregledom dostavljene ponude ponuđača SONO MEDICAL d.o.o. Sarajevo za LOT 1 (Nabavka ultrazvuka za potrebe Klinike Urgentne medicine) Komisija je konstatovala da je ista nepravilna, jer nije dostavljena u skladu sa tenderskim zahtjevima. TD tačkom 3.1.2 stav b) definisano je slijedeće:  
b) U slučaju da tražena/e tehnička/e karakteristika/e nije moguće dokazati putem kataloškog materijala (nije opisano u kataloškoj dokumentaciji) potrebno je dostaviti Izjavu/e proizvođača da traženi tehnički zahtjev/i (za svaki pojedinačno) ispunjava/ju traženu karakteristiku/e.  
Dalje je u TD tačkom 3.7. precizirano slijedeće:**

„Ponuda, svi dokumenti i pisana korespondencija u vezi sa ponudom između ponuđača i ugovornog organa mora biti na jednom od službenih jezika u Bosni i Hercegovini i napisana na latiničnom ili ćiriličnom pismu ili na nekom drugom jeziku koji se najčešće koristi u međunarodnoj trgovini, ali pod uslovom da je obavezno u ponudi dostavljen i zvanični prevod (ovjeren od strane ovlaštenog sudskog tumača za jezik sa kojeg je izvršen prevod), na jedan od službenih jezika u Bosni i Hercegovini. Izuzetno, štampana literatura, brošure, nacrti, kataloška dokumentacija proizvođača materijala i opreme i protokoli o tipskim ispitivanjima materijala i opreme, koje ponuđač dostavlja mogu biti napisani na engleskom jeziku, bez obaveze prevoda na neki od službenih jezika u BiH.”.

Ponuđač je u svojoj ponudi na strani br. 64 dostavio Izjavu proizvođača na engleskom jeziku za stavke Aneks-a 3 koje nije mogao dokazati kataloškom dokumentacijom. U skladu sa tačkom 3.7. tenderske dokumentacije “Zahtjevi po pitanju jezika”, isti je bio u obavezi dostaviti izjavu prevedenu na jedan od službenih jezika u Bosni i Hercegovini i ovjerenu od strane ovlaštenog sudskog tumača za jezik sa kojeg je izvršen prevod.

Na osnovu gore navedenog Komisija je konstatovala da je ponuda ponuđača SONO MEDICAL d.o.o. Sarajevo nepravilna i ne može učestvovati u daljem toku natjecanja, te se LOT 1 poništava u skladu sa članom 69. (2) d) Zakona o javnim nabavkama („Službeni glasnik BiH“, broj 39/14, 59/22 i 50/24).

2. Ponuđač BERG d.o.o. Sarajevo dostavio je ponudu za LOT 2- Nabavka ultrazvuka za potrebe Klinike za urologiju APLIO A, CANON MEDICAL SYSTEMS CORP (Tip/model i proizvođač ponuđenog)

Pregledom dostavljene ponude ponuđača BERG d.o.o. Sarajevo Sarajevo za LOT 2 (Nabavka ultrazvuka za potrebe Klinike za urologiju) Komisija je konstatovala da je ista nepravilna, jer nije dostavljena u skladu sa tenderskim zahtjevima. TD tačkom 3.1.2 stav b) definisano je slijedeće:

b) U slučaju da tražena/e tehnička/e karakteristika/e nije moguće dokazati putem kataloškog materijala (nije opisano u kataloškoj dokumentaciji) potrebno je dostaviti Izjavu/e proizvođača da traženi tehnički zahtjev/i (za svaki pojedinačno) ispunjava/ju traženu karakteristiku/e.

Dalje je u TD tačkom 3.7. precizirano slijedeće:

„Ponuda, svi dokumenti i pisana korespondencija u vezi sa ponudom između ponuđača i ugovornog organa mora biti na jednom od službenih jezika u Bosni i Hercegovini i napisana na latiničnom ili ćiriličnom pismu ili na nekom drugom jeziku koji se najčešće koristi u međunarodnoj trgovini, ali pod uslovom da je obavezno u ponudi dostavljen i zvanični prevod (ovjeren od strane ovlaštenog sudskog tumača za jezik sa kojeg je izvršen prevod), na jedan od službenih jezika u Bosni i Hercegovini. Izuzetno, štampana literatura, brošure, nacrti, kataloška dokumentacija proizvođača materijala i opreme i protokoli o tipskim ispitivanjima materijala i opreme, koje ponuđač dostavlja mogu biti napisani na engleskom jeziku, bez obaveze prevoda na neki od službenih jezika u BiH.”.

Ponuđač je u svojoj ponudi na stranama od 47 do 50 dostavio Izjavu proizvođača na engleskom jeziku za stavke Aneks-a 3 koje nije mogao dokazati kataloškom dokumentacijom. U skladu sa tačkom 3.7. tenderske dokumentacije “Zahtjevi po pitanju jezika”, isti je bio u obavezi dostaviti izjavu prevedenu na jedan od službenih jezika u Bosni i Hercegovini i ovjerenu od strane ovlaštenog sudskog tumača za jezik sa kojeg je izvršen prevod.

- Daljim pregledom ponude Komisija je konstatovala da ponuđač nije dostavio dokaze da ispunjava tehničke karakteristike.
- Za tačku 5 koja glasi: “*Tvorbenik slike (beamformer) s minimalno 11.000.000 procesnih kanala*”, ponuđač je upisao u tabeli “DA” kao potvrdu tehničkih karakteristike, te napisao da se dokaz nalazi na stranici br. 13 u Ponudi, iako se na toj stranici ne nalaze dokazi da ponuđeni aparat ispunjava traženo.
- Za tačku 9 koja glasi: “*B (2D) prikaz: Maksimalna dubina prikaza slike min. 45 cm, Frekvencija osvježavanja slike min 2.800 sl/s, Automatska optimizacija slike pritiskom na jednu tipku, Čitaj/piši uvećanje (zoom) dostupno na živoj i zamrznutoj slici, uvećanje slike min 8x, Obojeni 2D, Kontinuirana prilagodba fokusnog prijema, Fokus na svakom pixelu, Rotacija slike min 90°, 180°, 270°, Podešavanje parametara u naknadnoj obradi: pojačanje, factor uvećanja min 8x, TGC, dinamički raspon, promjena mape sive skale, razina redukcije tačkastih artefakata na slici pozvanoj iz trajne arhive*”, ponuđač je upisao

*Recep Akbar S. Ummyan*

u tabeli "DA" kao potvrdu tehničkih karakteristike, te napisao da se dokazi nalaze na stranicama br. 28, 29, 30, I 48 u Ponudi, iako se na tim stranicama ne nalaze dokazi da ponuđeni aparat ispunjava traženo: "Frekvencija osvježavanja slike minimalno 2.800 sl/s".

- Za tačku 14 koja glasi: "Protok kroz krvne žile prikazan ne-doplerskom tehnikom u dvodimenzionalnom prikazu u živoj slici, neovisno o doplerskom kutu" ponuđač je upisao u tabeli "DA" kao potvrdu tehničkih karakteristike, te napisao da se dokaz nalazi na stranici br. 13 u Ponudi, iako se na toj stranici ne nalaze dokazi da ponuđeni aparat ispunjava traženo.
- Za tačku 17. koja glasi: "Kino prikaz: memorija min. 1 GB, jednostruki, dvostruki i četverostruki kino prikaz. Pohrana slika u kino sekvenci: min. 120.000 okvira. Mogućnost mjerenja, kalkulacija I anotacija na kino snimci. Dvostruki ili četverostruki prikaz slika na CINE display" ponuđač je upisao u tabeli "DA" kao potvrdu tehničkih karakteristike, te napisao da se dokaz nalazi na stranici br. 36 u Ponudi, iako se na toj stranici ne nalaze dokazi da ponuđeni aparat ispunjava traženo osim da posjeduje „Cine memoriju od 960 MB, Režim snimanja/reprodukcije: Moguća je reprodukcija u petlji; Moguća je reprodukcija uz napredovanje po okvirima; Moguća je Cine reprodukcija u Doppler i M modu; užive slike se mogu snimati (klipovi, automatsko spremanje)“, što ne dokazuje traženo.
- Za tačku 29 koja glasi: „Linearna sonda s više redova kristala:
  - frekvencijski raspon min 3 do 12MHz
  - broj elemenata min 256
  - širina prikaza min 60mm
  - trapezoidni ili konveksni prošireni prikaz
  - odabir od min 4 frekvencije u 2D i 4 frekvencije u harmoničnom te 3 u obojenom doppleru i 3 u PW dopleru.“,

ponuđač je upisao u tabeli "DA" kao potvrdu tehničkih karakteristika, te napisao da se dokaz nalazi na stranici br. 25 u Ponudi, gdje je obilježeno da je broj elemenata 192 (što je manje od traženih 256), a širina prikaza nije obilježena.

- Za tačku 30 koja glasi: „Konveksna sonda tehnologije izrade od jednog kristala:
  - frekvencijski raspon minimalno od 1 do 6MHz
  - broj elemenata: minimalno 192
  - FOV min 80°
  - odabir min 5 frekvencija u 2D prikazu, 5 u harmoničnom prikazu, 5 u obojenom doppler prikazu i 5 u PW dopler prikazu“,

ponuđač je upisao u tabeli "DA" kao potvrdu tehničkih karakteristika te napisao da se dokaz nalazi na stranici br. 25 u Ponudi, iako se na toj stranici ne nalaze dokazi da ponuđena ultrazvučna sonda ispunjava traženo, konkretno ne nalazi se dokazi za slijedeće stavke:

- nije naznačena stavka FOV min 80°
- nije označena širina prikaza, kao ni trapezoidni ili konveksni prošireni prikaz

- Za tačku 31 koja glasi: „Mikronkonveksna intrakavitarna sonda:
  - FOV min 177°
  - frekvencijski raspon minimalno od 3 do 10MHz
  - aplikacija: urologija, opstetricija, ginekologija“

ponuđač je upisao u tabeli "DA" kao potvrdu tehničkih karakteristika te je uputio na broj stranice 25 u Ponudi, iako se na toj stranici ne nalazi dokaz da ponuđena ultrazvučna sonda ispunjava traženo

-FOV min 177°

**Na osnovu gore navedenog Komisija je konstatovala da je ponuda ponuđača BERG d.o.o. Sarajevo nepravilna i ne može učestvovati u daljem toku natjecanja.**

Naziv ponuđača čija je ponuda ocijenjena kao najpovoljnija i sa kojim ugovorni organ namjerava zaključiti ugovor o javnoj nabavci:

1. Ponuđač **MEDICAL d.o.o. Mostar** dostavio je ponudu za **LOT 2- Nabavka ultrazvuka za potrebe Klinike za urologiju LOGIQ TOTUS (REF LOGIQ TOTUS HDU) GE ULTRASOUND KOREA Ltd., JUŽNA KOREA** (Tip/model i proizvođač ponuđenog)

Pregledom dostavljene ponude ponuđača **MEDICAL d.o.o. Mostar** za **LOT 2 (Nabavka ultrazvuka za potrebe Klinike za urologiju)** Komisija je konstatovala da ista ispunjava formalno pravne, tehničke i suštinske zahtjeve, a što se vidi iz tabelarnih prikaza, gdje je dostavljena ponuda ocijenjena kao prihvatljiva, pa može biti predmet vrednovanja i može učestvovati u daljem toku natjecanja.



Imajući u vidu navedeno, Komisija predlaže da se za predmetni postupak pod nazivom „**Nabavka ultrazvuka za potrebe Klinike za urologiju**“ za **LOT 2 ugovor dodijeli ponuđaču MEDICAL d.o.o. Mostar**, koji je jedini dostavio prihvatljivu ponudu.

#### Postupak e-aukcije

Za ovaj postupak javne nabavke planirano je provođenje e-aukcije, ali u skladu sa Pravilnikom o uslovima i načinu korištenja e-aukcije, član 4. Stav 2) u kojem je regulisano kako se e-aukcija ne može provesti u slučaju prijema jedne prihvatljive ponude, te se **postupak nabavke za Lot 2 okončava u skladu sa članom 69. Tačka 1) a) ZJN, jer je za LOT 2 dostavljena samo po jedna prihvatljiva ponuda.**

Obzirom da je u navedenom postupku nabavke zadovoljena transparentnost, Komisija jednoglasno daje prijedlog Ugovornom organu putem **Izveštaja broj 73-33-4-2504-3 od 07.02.2025.godine**, da se nakon provedenog otvorenog postupka sa Obavještenjem o nabavci broj bro. 893-1-1-567-3-964/24.godine, za „**Nabavku ultrazvuka za potrebe Klinike za urologiju**“ donese Odluka o izboru najpovoljnijeg ponuđača i **Ugovor o nabavci za LOT 2**, obzirom da je postupak nabavke podjeljen na LOT-ove, dodjeli ponuđaču **MEDICAL d.o.o. Mostar**

Prijedlog Komisije je prihvaćen i donijeta je odluka kao u dispozitivu.

**D. GENERALNOG DIREKTORA  
KCUS-a**  
  
**Prof. dr. Hajrija Maksić**

**POUKA O PRAVNOM LIJEKU:** Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima
- Služba za javne nabavke
- a/a KCUS

